

**ՀՀ, ԵՄ և Ատոմային Էներգիայի եվրոպական համայնքի ու դրանց անդամ  
պետությունների միջև ստորագրված Համապարփակ և ընդլայնված  
գործընկերության համաձայնագրով (CEPA, 2017 թվական) և դրա կիրարկման  
ճանապարհային քարտեզի՝ կլիմային առնչվող գործողությունների կատարման  
վերլուծություն**

**Երևան 2024թ.**

«Էկոլոր» տեղեկատվական ՀԿ-ն սույն վերլուծությունը կատարել է «Համայնքների հզորացում Հայաստանում կլիմայական քաղաքականության իրականացմանը մասնակցության և իրազեկման միջոցով» ծրագրի շրջանակներում, որն իրականացնում է Հայերիի Բյուլ հիմնադրամի Հարավային Կովկասի տարածաշրջանի երևանյան գրասենյակի հետ համագործակցությամբ:

Վերլուծության բովանդակության համար պատասխանատու է միայն հեղինակը, և այն որևէ կերպ չի կարող ընկալվել որպես Հայերիի Բյուլ հիմնադրամի Հարավային Կովկասի տարածաշրջանի երևանյան գրասենյակի տեսակետ:

## ՄԵԹՈԴԱԲԱՆՈՒԹՅՈՒՆ

Վերլուծված է ՀՀ և ԵՄ և Ատոմային էներգիայի եվրոպական համայնքի ու դրանց անդամ պետությունների միջև ստորագրված Համապարփակ և ընդլայնված գործընկերության համաձայնագրով (CEPA, 2017 թվական) և դրա կիրարկման ճանապարհային քարտեզի (2019)՝ կլիմային առնչվող գործողությունների օրենսդրական և գործնական կատարողականը:

Վերլուծության տեղեկատվական հենք են հանդիսացել ՀՀ իրավական տեղեկատվական համակարգի, ՀՀ կառավարության, ՀՀ տարածքային կառավարման և ենթակառուցվածքների նախարարության, ՀՀ շրջակա միջավայրի նախարարության, Կլիմայի փոփոխության տեղեկատվական հարթակի, ՀՀ վիճակագրական կոմիտեի, ՀՀ հանրային ծառայությունները կարգավորող հանձնաժողովի պաշտոնական կայքերը, Լոռու մարզի Փամբակ և Գեղարքունիքի մարզի Մարտունի համայնքապետարանների, «Էկոլուր» տեղեկատվական ՀԿ-ի պաշտոնական կայքերը, կլիմայի փոփոխության ոլորտների վերաբերյալ ազգային և միջազգային համապատասխան իրավական ակտերը, փաստաթղթերը:

Համայնքների մասնակցությունն ապահովելու, կարծիքների և առաջարկությունների ձևավորման նպատակով օգտագործվել են հաղորդակցության տարբեր միջոցներ՝ անմիջական շփումներ, հարցազրույցներ, հարցումներ, քննարկումներ ոլորտային մասնագետների, համայնքների ներկայացուցիչների հետ:

## ՀԱՊԱՎՈՒՄՆԵՐԻ ՑԱՆԿ

ԱՍԳ ԵՀ	Ազգային մակարդակով սահմանված գործողություններ Եվրոպական հանձնաժողով
ԵՄ	Եվրոպական միություն
ԿՓ	Կլիմայի փոփոխություն
ԿՓՀ	Կլիմայի փոփոխության հարմարվողություն
ՀԱԾ	Հարմարվողականության ազգային ծրագիր
ՀԸԳՀ	Համապարփակ և ընդլայնված գործընկերության համաձայնագիր
ՀՀ	Հայաստանի Հանրապետություն
ՃՔ	Ճանապարհային քարտեզ
ՄԱԿ	Միավորված ազգերի կազմակերպություն
ՄԱԶԾ	ՄԱԿ-ի Զարգացման ծրագիր
ՄԱԿ-ի ԿՓՇԿ	Կլիմայի փոփոխության շրջանակային կոնվենցիա
ՇՄԱԳ	Շրջակա միջավայրի վրա ազդեցության գնահատում
ՇՄԱԳՓ օրենք	«Շրջակա միջավայրի վրա ազդեցության գնահատման և փորձաքննության մասին» ՀՀ օրենք
ՌԷԳ	ռազմավարական էկոլոգիական գնահատում
ՑԱԶՌ	Ցածր արտանետումներով զարգացման ռազմավարություն
ՓՀ	Փարիզյան համաձայնագիր

**ՀՀ, ԵՄ և Ատտոմային Էներգիայի Եվրոպական համայնքի ու դրանց անդամ պետությունների միջև ստորագրված Համապարփակ և ընդլայնված գործընկերության համաձայնագրով (CEPA, 2017 թվական) և դրա կիրարկման ճանապարհային քարտեզի՝ կլիմային առնչվող գործողությունների կատարման վերլուծություն**

2017 թ. նոյեմբերի 24-ին Հայաստանի Հանրապետության, ԵՄ և Ատտոմային Էներգիայի Եվրոպական համայնքի, դրանց անդամ պետությունների միջև ստորագրվեց Համապարփակ և ընդլայնված գործընկերության համաձայնագիրը (ՀԳԸՀ/CEPA)<sup>1</sup>: Նպատակն է ամրապնդել Կողմերի միջև համապարփակ քաղաքական և տնտեսական գործընկերությունն ու համագործակցությունը՝ հիմնված ընդհանուր արժեքների և սերտ կապերի վրա, այդ թվում՝ բարձրացնելով Հայաստանի Հանրապետության մասնակցությունը Եվրոպական միության քաղաքականությանը, ծրագրերին և գործակալությունների աշխատանքներին: Նպատակներից է ամրապնդել փոխադարձ հետաքրքրություն ներկայացնող բոլոր ոլորտների, այդ թվում կլիմայի վերաբերյալ քաղաքական երկխոսության շրջանակները: 2019 թ. հունիսի 1-ի ՀՀ վարչապետի N 666-Լ որոշմամբ<sup>2</sup> ընդունվեց ՀԳԸՀ-ի կիրարկման ճանապարհային քարտեզը 2021-2026 թթ. համար, որի 120-131 միջոցառումները վերաբերում են կլիմայի փոփոխությանը:

«ԵՄ-ն կլիմայի համար» ՄԱԶԾ-ԵՄ ծրագրի շրջանակներում 2023 թվականին պատրաստվել է «ՀՀ-ԵՄ ՀԳԸՀ կիրարկման ճանապարհային քարտեզի իրականացման վերաբերյալ» զեկույցը<sup>3</sup>:

Զեկույցը տվել է CEPA-ի ճանապարհային քարտեզով ամրագրված միջոցառումների համապատասխանությունը ԵՄ դիրեկտիվներին և հրահանգներին/կանոնակարգերին: Հիմնականում բացահայտվել են մինչև 2023թ. ՀԳԸՀ ճանապարհային քարտեզով նախատեսված միջոցառումների ընթացքն ու բացերը: Անդրադարձ է կատարվել ՓՀ-ից բխող պարտավորությունների կատարման գործողություններին, ԶԳ արտանետումների գույքագրման ազգային համակարգին, ԶԳ դիտանցման, հաշվետվությունների ներկայացման, ստուգման և կատարման համակարգերի ու հանրային քննարկումների ընթացակարգերի, ԿՓ ինստիտուցիոնալ ասպեկտներին և օգոնային շերտը քայքայող նյութերի փոխարինմանն ուղղված միջոցառումներին:

Ըստ զեկույցի այդ գործողություններից հիմնականում իրականացվել են 5 միջոցառում (120.123.124.125.130), մասնակիորեն իրականացվել է 1-ը (121), մեկնարկել են 6-ը (122,126,127,128,129,131): ՃՔ վերանայման առաջարկությունները հիմնականում կրում են ԵՄ հրահանգների/կանոնակարգերի կոնկրետացում ըստ հոդվածների, ՃՔ-ով նախատեսվող կոնկրետ իրավական ակտի մատնանշում՝ չափելի արդյունքների ստացման առումով, որոշ միջոցառումների կատարման ժամկետների երկարացման վերաբերյալ, և կլիմայի փոփոխության վերաբերյալ օրենքի ընդունման

<sup>1</sup> [https://www.mfa.am/filemanager/eu/CEPA\\_ARM\\_1.pdf](https://www.mfa.am/filemanager/eu/CEPA_ARM_1.pdf)

<sup>2</sup> <https://www.arlis.am/DocumentView.aspx?docID=153164>

<sup>3</sup> <https://nature-ic.am/hy/publications/report-progress-of-roadmap-for-implementation-cepa>

(միջոցառումներ 120, 123 և 124) ամրագրման պահանջի ներառում, ՀՀ «Մթնոլորտային օդի պահպանության մասին» օրենքի մոտարկում կլիմայի հետ կապված ԵՄ թիվ 2003/87 հրահանգին (կապված նույնականացման, արտանետումների թույլտվությունների հասկացության հետ) և «50 ԵՄ օդի պահպանության» դիրեկտիվի կոնկրետ հոդվածներին համապատասխանեցում:

Ճանապարհային քարտեզով ամրագրված միջոցառումների կատարման գնահատման հիման վրա կատարվել են դրա վերանայման առաջարկություններ:

Սույն հետազոտության նպատակն է ուսումնասիրել ՀԳԸՀ կիրարկման ճանապարհային քարտեզով նախատեսված կլիմայական միջոցառումների կատարումը, կիրառելիությունը, քաղաքացիական հասարակության, հատկապես, համայնքային ներգրավվածությունն այդ միջոցառումներին, առկա բացերը, օրենսդրական անհամապատասխանությունները և տալ դրանց լուծմանն ուղղված առաջարկություններ:

Ճանապարհային քարտեզի համաձայն՝ Հայաստանը նախատեսել է 12 միջոցառում (120-131 միջոցառումներ), որոնք ապահովում են կլիմայի փոփոխությանը վերաբերող ՀԳԸՀ-ի 51-56 հոդվածների պահանջների կատարումը:

Ուսումնասիրության արդյունքում պարզվել է, որ ՃԲ-ի 12 միջոցառումներից հիմնականում կատարվել է 3-ը՝ թիվ 122-ը, թիվ 124-ը և թիվ 125-ը: Մասնակի կատարվել են 5-ը՝ թիվ 120-ը, թիվ 121-ը, թիվ 123-ը, թիվ 130-ը, թիվ 131-ը: Չեն կատարվել 4-ը՝ թիվ 126-ը, թիվ 127-ը, թիվ 128-ը, թիվ 129-ը:

Աղյուսակ 1: ՀԳԸՀ-ի ճանապարհային քարտեզով նախատեսված կլիմայական միջոցառումների կատարման արդյունքը

N	Նախատեսվող միջոցառումը	Ընդունված և մշակված իրավական ակտեր	Արդյունքը
120	«Փարիզյան համաձայնագրից» բխող պարտավորությունների կատարման գործողությունների մշակում, համապատասխան կառուցվածքների և ջերմոցային գազերի նույնականացման համակարգի ստեղծում, 2003/87/ԵՀ հրահանգի I և II հավելվածներ, ջերմոցային գազերի (ներառյալ ավիացիոն արտանետումների) դիտանցման, հաշվետվություններ	1. «Փարիզյան համաձայնագրի ներքո Հայաստանի Հանրապետության 2021-2030 թվականների ազգային մակարդակով սահմանված գործողությունները հաստատելու մասին» N 610-Լ որոշումը <sup>4</sup> 2. ՀՀ կառավարության 2021 թվականի օգոստոսի 18-ի N 1363 - Ա որոշմամբ հավանության է արժանացել կառավարության 2021-26թթ	Մասնակի կատարված  «Կլիմայական և քաղաքականության մասին» ՀՀ օրենքի նախագիծը մշակվել է, սակայն դեռ չի ընդունվել:

<sup>4</sup> <https://www.arlis.am/DocumentView.aspx?docID=151985>

	<p>ներկայացնելու, ստուգման և կատարման համակարգերի և հանրային քննարկումների ընթացակարգերի սահմանում, <b>2026 թ.-ի 1-ին եռամսյակ</b></p>	<p>ծրագիր<sup>5</sup>, որը հաստատվել է ՀՀ կառավարության 18 նոյեմբերի 2021 թվականի «Հայաստանի Հանրապետության կառավարության 2021-2026 թվականների գործունեության միջոցառումների ծրագիրը հաստատելու մասին» N 1902-Լ որոշմամբ:<sup>6</sup></p> <p>3. Կլիմայական քաղաքականության մասին» ՀՀ օրենքի նախագիծ</p> <p>4. «Ջերմոցային գազերի արտանետումների գույքագրման կարգը հաստատելու մասին» ՀՀ կառավարության 2024թ. հունվարի 11-ի N 54-Ն որոշում<sup>7</sup></p> <p>5. «Հանրության իրազեկման և հանրային լուսման ծանուցման բովանդակությունը, հանրային լուսման ընթացակարգը, շրջակա միջավայրի վրա ազդեցության գնահատման և փորձաքննության գործընթացում շահագրգիռ հանրության կարծիքների, դիտողությունների և առաջարկությունների ներկայացման, տեղական ինքնակառավարման մարմինների կողմից նախնական համաձայնության կամ անհամաձայնության տրամադրման ընթացակարգը և ժամկետները» N 2343-Ն որոշում<sup>8</sup></p>	
--	--	---	--

<sup>5</sup> <https://www.gov.am/files/docs/4586.pdf>

<sup>6</sup> <https://www.arlis.am/DocumentView.aspx?docID=158031>

<sup>7</sup> <https://www.arlis.am/documentview.aspx/Res/Res/DocumentView.aspx?docID=188713>

<sup>8</sup> <https://www.arlis.am/DocumentView.aspx?docid=188071>

121	<p>Կլիմայի փոփոխությանն առնչվող ջերմոցային գազերի արտանետումների (ներառյալ ավիացիոն արտանետումների) գույքագրման ազգային համակարգի ստեղծում, քաղաքականությունների, միջոցների և կանխատեսումների ներպետական համակարգի ստեղծում և համապատասխան ինստիտուցիոնալ կարողությունների հզորացում, 280/2004/ԵՄ որոշումն ուժը կորցրած ճանաչող 525/2013/ԵՄ Կանոնակարգի հոդվածներ 5 և 12, <b>2026 թ.-ի 1-ին եռամսյակ</b></p>	<p>1. ՀՀ կառավարության 13 մայիսի 2021 թվականի «Կլիմայի փոփոխության հարմարվողականության ազգային գործողությունների ծրագիրը և 2021-2025 թվականների միջոցառումների ցանկը հաստատելու մասին» N 749 -Լ որոշում<sup>9</sup></p> <p>2. «Ջրային ռեսուրսների ոլորտում կլիմայի փոփոխության հարմարվողականության ծրագիրը և 2022-2026 թթ. միջոցառումների ցանկը հաստատելու մասին» ՀՀ կառավարության 2022 թվականի նոյեմբերի 3-ի N 1692 - Լ որոշում<sup>10</sup></p> <p>3. «Հայաստանի Հանրապետության կառավարության 2019 թվականի դեկտեմբերի 19-ի N 1886-Լ որոշման մեջ լրացումներ կատարելու մասին» ՀՀ կառավարության 2023թ. հուլիսի 20-ի որոշում<sup>11</sup></p> <p>4. «Հայաստանի Հանրապետության առողջապահության համակարգի 2023-2026 թվականների զարգացման ռազմավարությունը և դրանից բխող միջոցառումների ցանկը հաստատելու մասին» ՀՀ կառավարության 2023 թ. փետրվարի 9-ի N 174-Լ որոշում<sup>12</sup></p> <p>5. «Կլիմայի փոփոխության գործոնների ինտեգրում «Սևան» ազգային պարկի</p>	<p>Մասնակի կատարված</p> <p><b>Չեն կատարվել հետևյալ միջոցառումները.</b></p> <ul style="list-style-type: none"> <li>- Տարածքային (մարզային) զարգացման ռազմավարություններում ԿՓՀ և կլիմայական ռիսկերի կառավարման նկատառումների ինտեգրման վերաբերյալ ուղեցույցների մշակում</li> <li>- ՀԱԾ գործընթացի համար ռեսուրսների մոբիլիզացման մոտեցումների և իրականացման ծրագրի մշակում</li> <li>- Կլիմայական կանխատեսումների և վաղ ազդարարման համակարգի բարելավմանն ուղղված գործողությունների ծրագրի մշակում</li> <li>- ԿՓ ուղղությամբ պետական և մասնավոր հատվածի կատարած ծախսերի բացահայտման նպատակով բյուջեի</li> </ul>
-----	--	--	--

<sup>9</sup> <https://www.arlis.am/DocumentView.aspx?DocID=152612>

<sup>10</sup> [https://www.e-gov.am/u\\_files/file/decrees/kar/GV1E-287B-6173-DAB9/1692.1.pdf](https://www.e-gov.am/u_files/file/decrees/kar/GV1E-287B-6173-DAB9/1692.1.pdf)

<sup>11</sup> <https://www.arlis.am/DocumentView.aspx?docid=180654>

<sup>12</sup> <https://www.arlis.am/documentview.aspx?docid=174219>



	<p>կառավարման պլանի մեջ և հարմարվողականության միջոցառումների ներդրում», մշակման փուլում է «ԵՄ-ն Մևանի համար» ծրագրի շրջանակում</p> <p>6.Տավուշի մարզի կլիմայի փոփոխության հարմարվողականության ծրագրի նախագիծ<sup>13</sup></p> <p>7.Շիրակի մարզի կլիմայի փոփոխության հարմարվողականության ծրագրի նախագիծ<sup>14</sup></p> <p>8.Գեղարքունիքի և Սյունիքի մարզերի հարմարվողականության ծրագրերի նախագծեր են կազմվել ՄԱԶՕՅՏԲ-2 ծրագրով</p> <p>9.Միավորված Ազգերի Կազմակերպության «Կլիմայի փոփոխության մասին» շրջանակային կոնվենցիայի և Փարիզյան համաձայնագրի պահանջների ու դրույթների կատարման միջգերատեսչական համակարգման խորհուրդ ստեղծելու, դրա կազմը և աշխատակարգը հաստատելու և Հայաստանի Հանրապետության վարչապետի 2012 թվականի հոկտեմբերի 2-ի n 955-ա որոշումն ուժը կորցրած ճանաչելու մասին» 2021թ. հուլիսի 6-ի N 719-Ա որոշում<sup>15</sup></p> <p>10. «Հարմարվողականության ազգային ծրագրի գործընթացի և կլիմայի փոփոխության հարմարվողականության վերաբերյալ հա-</p>	<p>կլիմայական նշագրման համակարգի մշակում</p>
--	---	--

<sup>13</sup> <https://drive.google.com/drive/folders/1Jp-loBfzr2UJXcvPbBF5YhvhjwQoiC7e>

<sup>14</sup> <https://drive.google.com/drive/folders/1Jp-loBfzr2UJXcvPbBF5YhvhjwQoiC7e>

<sup>15</sup> <https://www.e-gov.am/decrees/item/23576/>

		<p>դորդակցության և իրա- զեկման ազգային ռազմավարական պլան»<sup>16</sup></p> <p>11. Հայաստանի հարմարվողականության մոնիտորինգի եւ գնահատման շրջանակը եւ ճանապարհային քարտեզ<sup>17</sup></p> <p>12. «Բնակավայրերի համար կլիմայի փոփոխության և հարմարվողականության ծրագրերի մշակման վերաբերյալ» ուղեցույց<sup>18</sup></p> <p>13. Կլիմայական և կա- պակցված բնական վտանգ- ների և ռիսկերի աշխարհագրական տեղեկատվական համակարգերի քարտեզների ատլաս Շիրակի և Լոռու մարզերի համար<sup>19</sup></p> <p>14. «Շրջակա միջավայրի վրա ազդեցության գնահատման և փորձաքննության մասին մասին» ՀՀ օրենքում փոփոխություններ կատարելու մասին» ՀՕ-150- Ն օրենք, ուժի մեջ է 09.06.2023թ.<sup>20</sup></p> <p>15. «Պետական փորձաքննական դրական եզրակացություն ստացած հիմնադրությային փաստաթղթերում չներառված բնության հատուկ պահպանվող տարածքներում կամ անտառային հողերում կամ բնակավայրերի կանաչ գոտիներում կամ պատմամշակութային</p>	
--	--	--	--

<sup>16</sup> <https://drive.google.com/file/d/1UVqT5ECZrnzoCjLcnBjVHQ2mijbIpiFJ/view>

<sup>17</sup> [https://drive.google.com/file/d/1cRTlptByYG\\_3dnP3kzRBX7erhyhPpy/view](https://drive.google.com/file/d/1cRTlptByYG_3dnP3kzRBX7erhyhPpy/view)

<sup>18</sup> [https://api.mtad.am/storage/pages/files/2022/11/pdf/07\\_12-01-sc796-6368bb5f3eccc.pdf](https://api.mtad.am/storage/pages/files/2022/11/pdf/07_12-01-sc796-6368bb5f3eccc.pdf)

<sup>19</sup> <https://drive.google.com/file/d/1mvxicP83hdYlZW5jkWxfeHafr3KeCodD/view>

<sup>20</sup> <https://www.arlis.am/documentview.aspx?docid=178443>

		<p>հուշարձանների սահմաններում կամ բնապահպանական հողերում գնահատման և փորձաքննության ենթակա գործունեության տեսակները հաստատելու մասին» ՀՀ կառավարության 2024 թվականի մայիսի 2N 638 – Ն որոշում<sup>21</sup></p> <p>16. «Ռազմավարական էկոլոգիական գնահատման և շրջակա միջավայրի վրա ազդեցության գնահատման ուղեցույցները հաստատելու մասին» նախարարի հրամանի նախագիծ<sup>22</sup></p> <p>17. «ՀՀ քաղաքաշինության կոմիտեի նախագահի հրամանը ՀՀԾՆ 22-01-2024 «շինարարական կլիմայաբանություն» ՀՀ շինարարական նորմերը հաստատելու և ՀՀ քաղաքաշինության նախարարի 2011 թվականի սեպտեմբերի 26-ի N 167-Ն հրամանն ուժը կորցրած ճանաչելու մասին» ՀՀ քաղաքաշինության կոմիտեի նախագահի 2024թ. հունվարի 15-ի N 03-Ն հրաման<sup>23</sup></p> <p>18. ՀՀ Ջրային օրենսգրքում 07.07.22 ՀՕ-316-Ն. կատարված փոփոխություններ<sup>24</sup></p>	
122	Ջերմոցային գազերի մարդածին արտանետումների ազգային կադաստրների և ազգային հաղորդագրությունների և երկամյա զեկույցների	Հայաստանն իր պարտավորությունների կատարման շրջանակներում մշակել և ներկայացրել է կոնվենցիայի դրույթների կատարման վերաբերյալ 4	Հիմնականում կատարված

<sup>21</sup> <https://e-gov.am/gov-decrees/item/42558/%20>

<sup>22</sup> <https://www.e-draft.am/index.php/projects/7464/about>

<sup>23</sup> <https://www.arlis.am/DocumentView.aspx?DocID=188846>

<sup>24</sup> <https://www.arlis.am/DocumentView.aspx?docid=166206>

	պարբերական զարգացում, 2026 թ.-ի 1-ին եռամսյակ	հաղորդագրություն (վերջինը՝ 2019թ.) և 3 երկամյա առաջընթացի զեկույց (վերջինը՝ 2021թ.): ՋԳ ազգային կադաստրը 1990-2019 թթ. համար մշակվել է 2023թ.:	
123	Չափողական, հաշվետվայնության ու հավաստագրման (MRV) համակարգի հիմնում, կլիմայի փոփոխության խնդիրների լուծմանն ուղղված տեխնոլոգիաների զարգացման և փոխանցման գործընթացի ձևավորում ու հետևողական ամրապնդում, <b>2026 թ.-ի 1-ին եռամսյակ</b>	1. «Ջերմոցային գազերի արտանետումների գույքագրման կարգը հաստատելու մասին» ՀՀ կառավարության 2024 թ. հունվարի 11-ի N 54-Ն որոշում <sup>25</sup> 2. «Հայաստանում ջերմոցային գազերի արտանետումների ազգային կադաստրի գործառնական համակարգի և չափումների, հաշվետվայնության և հավաստագրման համակարգի մշակման ճանապարհային քարտեզ» ամփոփիչ զեկույց <sup>26</sup>  ՀՀ ՇՄ նախարարի հրաման	Մասնակի կատարված  <b>Մեղման գործողությունների հավաքագրման կարգի մշակում</b>
124	Օզոնային շերտը քայքայող նյութերի՝ հիդրոքլորֆտորածխածինների և դրանց փոխարինողների՝ հիդրոֆտորածխածինների փոխարինմանը ուղղված միջոցառումների իրականացում, ԵՄ, <b>2024 թ.-ի 1-ին եռամսյակ</b>	1. «Օզոնային շերտը քայքայող նյութերի մասին» 2006 թվականի նոյեմբերի 27-ի ՀՕ-218-Ն օրենքը խմբագրվել է «Օզոնային շերտի պահպանության մասին» ՀՀ օրենքի 2020 թվականի մարտի 4-ին <sup>27</sup> 2. «Օզոնային շերտի պահպանության մասին» օրենքում լրացումներ և փոփոխություններ կատարելու մասին» 2023 թվականի դեկտեմբերի 11-ի ՀՕ-398-Ն Հայաստանի Հանրապետության օրենքի կիրարկումն ապահովող	Հիմնականում կատարված

<sup>25</sup> <https://www.arlis.am/DocumentView.aspx?DocID=188713>

<sup>26</sup> <https://nature-ic.am/hy/publications/roadmap-for-the-development-of-a-functional-national-greenhouse-gas-emissions-inventory-system-and-mrv-system-for-armenia>

<sup>27</sup> <https://www.arlis.am/DocumentView.aspx?docid=187764>

		<p>միջոցառումների ցանկը հաստատելու մասին» ՀՀ վարչապետի 2024թ. փետրվարի 14-ի 136-Ս որոշում<sup>28</sup></p> <p>3. «ՀՀ կառավարության որոշումը օգոնային շերտը քայքայող նյութերի և հիդրոֆտորածխածինների ներմուծման ընդհանուր չափաքանակները (քվոտաները) սահմանելու և ՀՀ կառավարության 2007 թվականի մարտի 15-ի N 327-Ն որոշումն ուժը կորցրած ճանաչելու մասին» ՀՀ կառավարության 13 մայիսի 2021 թվական, N 754-Ն որոշում<sup>29</sup></p> <p>4. «Օգոնային շերտը քայքայող նյութերի և հիդրոֆտորածխածինների առաքման թույլտվության էլեկտրոնային եղանակով տրամադրման կարգը սահմանելու մասին» ՀՀ կառավարության 12 օգոստոսի 2021 թվականի N 1304-Ն որոշում<sup>30</sup></p> <p>5. ՀՀ կառավարության որոշումը օգոնային շերտը քայքայող նյութերի և հիդրոֆտորածխածինների ներմուծման անհատական չափաքանակի օգտագործման մասին հաշվետվության հաշվառման կարգը հաստատելու և ՀՀ կառավարության 2007 թվականի դեկտեմբերի 27-ի N 1565-Ն որոշման մեջ փոփոխություն կատարելու մասին» ՀՀ կառավարության 28 հոկտեմբերի 2021</p>	
--	--	--	--

<sup>28</sup> <https://www.arlis.am/DocumentView.aspx?docID=189693>

<sup>29</sup> <https://www.arlis.am/DocumentView.aspx?DocID=184188>

<sup>30</sup> <https://www.arlis.am/DocumentView.aspx?DocID=155131>

		<p>թվական, N 1761-Ն որոշում<sup>31</sup></p> <p>6. «Հիդրոֆտորածխածինների ցանկը հաստատելու մասին» ՀՀ կառավարության 20 օգոստոսի 2020 թվականի N 1368-Ն որոշում<sup>32</sup></p> <p>7. ՀՀ «հարկային օրենսգրքում փոփոխություն կատարելու մասին» ՀՀ օրենք՝ ընդունված է 2022 թվականի մարտի 4-ին<sup>33</sup></p> <p>8. «Մթնոլորտային օդի պահպանության մասին» ՀՀ օրենքում կատարված փոփոխությունների (07.12.2022թ.)<sup>34</sup></p> <p>9. «Հայաստանի Հանրապետության ջերմոցային գազերի ցածր արտանետումներով զարգացման երկարաժամկետ ռազմավարությունը (մինչև 2050 թվական) հաստատելու մասին» ՀՀ կառավարության 2023 թ. դեկտեմբերի 28-ի N 2318-Լ որոշում<sup>35</sup></p>	
125	<p>Բնապահպանության նախարարությունը հանդիսանում է օզոնային շերտը քայքայող նյութերի բնագավառում միջոցառումների իրականացման լիազոր մարմին:</p> <p>Ներկայումս գործում են Օզոնային շերտը քայքայող նյութերի մասին ՀՀ օրենքը և օզոնային շերտը քայքայող նյութերի և դրանց փոխարինողների գործածումը</p>	<p>1. «Օզոնային շերտի պահպանության մասին» լրացումներ և փոփոխություններ օրենքում կատարելու մասին» ՀՀ օրենք 20<sup>36</sup></p>	Հիմնականում կատարված

<sup>31</sup> <https://www.arlis.am/DocumentView.aspx?DocID=157289>

<sup>32</sup> <https://www.arlis.am/DocumentView.aspx?DocID=162438>

<sup>33</sup> <https://www.arlis.am/DocumentView.aspx?DocID=160926>

<sup>34</sup> <https://www.arlis.am/DocumentView.aspx?docid=172207>

<sup>35</sup> <https://www.e-gov.am/gov-decrees/item/41925/>

<sup>36</sup> <https://www.arlis.am/DocumentView.aspx?docid=187764>

	<p>կարգավորող մի շարք ենթաօրենսդրական ակտեր, որոնք լրամշակման անհրաժեշտություն ունեն ներառելու ֆտորացված ջերմոցային գազերի վերաբերյալ կարգավորումներ, <b>2024 թ.-ի 1-ին եռամսյակ</b></p>		
126	<p>Ֆտորացված ջերմոցային գազերի օգտագործման (փուլային կրճատմամբ) ազգային ծրագրի մշակում, ինչպես նաև ծրագրից բխող օրենսդրական և ենթաօրենսդրական ակտերի լրամշակում, միջոցառումների ծրագրի մշակում, <b>2024 թ.-ի 1-ին եռամսյակ</b></p>		<p>Չկատարված</p> <p>Հայաստանի Հանրապետությունը (Շրջակա միջավայրի նախարարություն) 2020 թ. օգոստոսին ՄԱԿ-ի Շրջակա միջավայրի ծրագրի (UNEP) և ՄԱԿ-ի Արդյունաբերական զարգացման ծրագրի (UNIDO) հետ համատեղ մշակել է ՀՖԱ-ների (ֆտորացված ջերմոցային գազեր) փուլային կրճատման ծրագրային փաստաթղթի նախագիծը և ներկայացրել այն Մոնրեալի արձանագրության իրականացման Բազմակողմանի հիմնադրամի գործադիր կոմիտեի նիստին: ՀՖԱ-ների կրճատման առաջին փուլի ծրագիրն արդեն հաստատվել է Հայաստանի համար, որի մեկնարկը նախատեսվում է այս</p>

			տարի՝ 4-րդ եռամսյակում: <sup>37</sup>
127	Ֆտորացված Ջերմոցային զազերի օգտագործման (փուլային կրճատմամբ) ազգային ծրագրի մշակում, որի մեջ կներառվի նաև վերոնշյալ հոդվածներով նախատեսված միջոցառումները, <b>2024 թ.-ի 1- ին եռամսյակ</b>		Չկատարված
128	Պիտակավորման համակարգի ստեղծում այն արտադրատեսակների և սարքավորումների համար, որոնք պարունակում են ֆտորացված ջերմոցային զազեր, կամ որոնց գործունեությունը կախված է այդ զազերից (12-րդ հոդված)  Համապատասխան հատվածներից արտանետումների վերաբերյալ տվյալների ձեռքբերման համար հաշվետվություններ ներկայացնելու համակարգերի ստեղծում (19-րդ և 20-րդ հոդվածներ), <b>2024 թ.-ի 1-ին եռամսյակ</b>		Չկատարված
129	Ֆտորացված ջերմոցային զազերի օգտագործման (փուլային կրճատմամբ) ազգային ծրագրի մշակում, որի մեջ կներառվի կատարման համակարգի վերաբերյալ դրույթներ, <b>2024 թ.-ի 1-ին եռամսյակ</b>		Չկատարված
130	Կլիմայի փոփոխության նկատմամբ հարմարվողականության հայեցակարգի ու ազգային գործողությունների ծրագրի մշակում՝ ուղղված գյուղատնտեսական, տնտեսական և կլիմայի վրա	Տե՛ս 121-ի և 124-ի միջոցառումների ներքո	Մասնակի կատարված <a href="#">Չեն կատարվել հետևյալ միջոցառումները.</a>  - <a href="#">Տարածքային (մարզային)</a>

<sup>37</sup> <https://open.unido.org/projects/AM/projects/240166>



	<p>հնարավոր ազդեցություն ունեցող այլ ոլորտներում կլիմայական փոփոխությունների մեղմացման, նվազեցման և կանխարգելման պահանջներին և միջոցառումներին համահունչ գործունեության պլանավորմանը և իրականացմանը, <b>2021 թ.-ի 1-ին եռամսյակ</b></p>		<p>զարգացման ռազմավարություններում ԿՓՀ և կլիմայական ռիսկերի կառավարման նկատառումների ինտեգրման վերաբերյալ ուղեցույցների մշակում</p> <p>- ՀԱԾ գործընթացի համար ռեսուրսների մոբիլիզացման մոտեցումների և իրականացման ծրագրի մշակում</p> <p>- Կլիմայական կանխատեսումների և վաղ ազդարարման համակարգի բարելավմանն ուղղված գործողությունների ծրագրի մշակում</p> <p>- ԿՓ ուղղությամբ պետական և մասնավոր հատվածի կատարած ծախսերի բացահայտման նպատակով բյուջեի կլիմայական նշագրման համակարգի մշակում</p>
131	<p>Ազգային օրենսդրության ընդունում և իրավասու մարմնի սահմանում</p> <p>Հսկման ենթակա նյութերի՝ բացառությամբ հատուկ կիրառությունների, և մինչև [2019 թվականի հունվարի 1-ը]՝ հիդրոքլորֆտորածխաջրածինների (ՀՔՖԱ-ների)</p>	<p>1. «Օզոնային շերտի պահպանության մասին» ՀՀ օրենք</p> <p>2. «Հայաստանի Հանրապետության կառավարության 2007 թվականի դեկտեմբերի 27-ի N 1565-Ն որոշման մեջ փոփոխություններ և</p>	<p>Մասնակի կատարված Համապատասխան ոչ բոլոր իրավական ակտերն են ընդունվել:</p>

	<p>արտադրության արգելքի սահմանում (4-րդ հոդված)</p> <p>Հսկման ենթակա նյութերի արտադրության, շուկայահանման և օգտագործման և բացառություններ կազմող կիրառությունների (որպես հումք, տեխնոլոգիական ազդանյութեր, լաբորատոր և անալիտիկ գործունեության համար էական նշանակության կիրառություններ, հալոնների չափազանց անհրաժեշտ կիրառություններ) և առանձին շեղումների համար՝ ներառյալ արտակարգ իրավիճակներում մեթիլբրոմիդի կիրառությունները (III գլուխ)՝ պայմանների սահմանում</p> <p>Հսկման ենթակա նյութերի բացառություններ կազմող կիրառությունների համար ներմուծման և արտահանման լիցենզավորման համակարգի ստեղծում (IV գլուխ) և ձեռնարկությունների հաշվետվություններ ներկայացնելու պարտավորությունների սահմանում (26-րդ և 27-րդ հոդվածներ)</p> <p>Հսկման ենթակա օգտագործված նյութերը վերականգնելու, վերամշակելու, ռեգեներացնելու (վերականգնելու) և ոչնչացնելու պարտավորությունների սահմանում (22-րդ հոդված)</p> <p>Հսկման ենթակա նյութերի հոսակորուստների դիտանցման և տեսչական</p>	<p>լրացումներ կատարելու մասին» ՀՀ կառավարության 2021 թվականի ապրիլի 8-ի N 477-Ն որոշում<sup>38</sup></p>	
--	--	--	--

<sup>38</sup> <https://www.arlis.am/DocumentView.aspx?DocID=151505>

ստուգումների ընթացակարգերի սահմանում (23-րդ հոդված)		
---	--	--

**Հիմնականում և մասնակի կատարված միջոցառումների շրջանակներում ԵՄ իրավական ակտերին մոտարկվել է 6 ՀՀ օրենք, մշակվել է «Կլիմայի քաղաքականության մասին» ՀՀ օրենքի նախագծի հայեցակարգը և օրենքի նախագծի փաթեթը, 16 ենթաօրենսդրական ակտ (ՀՀ վարչապետի և ՀՀ կառավարության որոշումներ), զեկույցներ, ուղեցույցներ:**

Ընդունված իրավական ակտերի և նախագծերի ուսումնասիրության արդյունքում բացահայտվել են բացթողումներ հետևյալ իրավական ակտերում.

**1. «Ջերմոցային գազերի արտանետումների գույքագրման կարգը հաստատելու մասին» 2024 թվականի հունվարի 11 N 54-Ն որոշում<sup>39</sup> (ՀԳԸՀ 54 հոդվածի (j) կետ, ՃՔ 120 միջոցառում)**

**➤ Առկա բացեր**

- Որոշմամբ հաստատված Ձև 4-ում նշվում է համայնքային աղբավայրերում տեղադրված թափոնների ծավալի մասին տեղեկատվության տրամադրման մասին: Մինչդեռ «Աղբահանության և սանիտարական մաքրման մասին» և «Թափոնների մասին» ՀՀ օրենքներում բացակայում է «համայնքային աղբավայր» հասկացությունը: Համայնքների վարչական տարածքներում բացի համայնքային կոմունալ ծառայությունների կամ օպերատորների կողմից տեղակայված կոշտ կենցաղային թափոնների վայրերից առկա են նաև ինքնակամ աղբավայրեր և աղբակույտեր, որոնց վերաբերյալ տվյալների հավաքագրում կարգով նախատեսված չէ, ինչը չի ապահովի աղբավայրերից արտանետվող մեթանի ծավալի ճշգրիտ հաշվարկ:
- Ձև 2-ի 2.8 կետով պահանջվող «արձանագրված ապօրինի ծառահատումների թվի» վերաբերյալ տեղեկատվությունը բավարար չէ, քանի որ չի արտացոլում ապօրինի անտառահատումների իրական թիվը, արդյունքում ջերմոցային գազերի հաշվարկը լիարժեք չի լինի:

**Առաջարկություն**

- «Տեղական ինքնակառավարման մասին» ՀՀ օրենքում սահմանել համայնքի կողմից աղբավայրի նկատմամբ հսկողության, աղբի ծավալների հաշվարկի պահանջ, որը կտա ջերմոցային գազերի արտանետումների հաշվետվության համար տեղեկատվության ճշգրտության երաշխիք:
- «Աղբահանության և սանիտարական մաքրման մասին» և «Թափոնների մասին» ՀՀ օրենքներում սահմանել «համայնքային աղբավայր» եզրույթը:

<sup>39</sup> <https://www.arlis.am/documentview.aspx/Res/Res/DocumentView.aspx?docID=188713>

- Ապօրինի անտառհատումների թվի նվազեցման համար ուժեղացնել էկոպարեկային ծառայության և Բնապահպանության և ընդերքի տեսչական մարմնի կարողությունները:

2. «Հանրության իրազեկման և հանրային լուսմների ծանուցման բովանդակությունը, հանրային լուսմների ընթացակարգը, շրջակա միջավայրի վրա ազդեցության գնահատման և փորձաքննության գործընթացում շահագրգիռ հանրության կարծիքների, դիտողությունների և առաջարկությունների ներկայացման, տեղական ինքնակառավարման մարմինների կողմից նախնական համաձայնության կամ անհամաձայնության տրամադրման ընթացակարգը և ժամկետները» ՀՀ կառավարության 2023թ. դեկտեմբերի 28 N 2343-Ն որոշում<sup>40</sup> (ՀԳԸՀ 54 հոդվածի (j) կետ, ՃՔ 120 միջոցառում)

➤ **Առկա բացերը**

- Հստակեցված չէ ՇՄԱԳՓ օրենքով նախատեսված երկրորդ հանրային լսման դեպքում համայնքի կողմից վերջնական որոշում կայացնելու գործընթացը:

- Հստակեցված չէ ՇՄԱԳՓ օրենքով նախատեսված հանրային լուսմներին համայնքի, խոշորացված համայնքների բնակիչների մասնակիցների թիվը, կամ ներկայացուցչական կազմը: Դրա չհստակեցումը հանգեցնում է հանրային լուսմների կազմակերպման կամայականության և չի ապահովում նախատեսվող գործունեության վերաբերյալ համայնքի իրական դիրքորոշումը:

➤ **Առաջարկություն**

- Հստակեցնել երկրորդ հանրային լսման դեպքում համայնքի կողմից վերջնական որոշում կայացնելու գործընթացը:

- Հստակեցնել հանրային լուսմներին համայնքի, խոշորացված համայնքների բնակիչների մասնակիցների թիվը և ներկայացուցչական կազմը՝ խուսափելու կամայականություններից և ապահովելու նախատեսվող գործունեության վերաբերյալ համայնքի իրական դիրքորոշումը:

3. «Կլիմայի փոփոխության հարմարվողականության ազգային գործողությունների ծրագիրը և 2021-2025 թվականների միջոցառումների ցանկը հաստատելու մասին» ՀՀ կառավարության 2021 թվականի մայիսի 13-ի N 749 -Լ որոշում<sup>41</sup> (ՀԳԸՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)

➤ **Առկա բացերը**

- Որոշմամբ սահմանված միջոցառումներով նախատեսված էր զբոսաշրջության, էներգետիկայի, առողջապահության, գյուղատնտեսության, անտառների կառավարման կլիմայական հարմարվողականության ծրագրերը հաստատելու մասին ՀՀ կառավարության որոշումների ընդունում: Դրանք սահմանված ժամկետներում մշակվել են, սակայն չեն ընդունվել: Փոխարենը ոլորտային հարմարվողականության միջոցառումները ներառվել են ոլորտային ռազմավարություններում՝ չկատարելով 2021 թվականի մայիսի 13-ի N 749 -Լ

<sup>40</sup> <https://www.arlis.am/DocumentView.aspx?docid=188071>

<sup>41</sup> <https://www.arlis.am/DocumentView.aspx?DocID=152612>

որոշման պահանջները, նեղացնելով հարմարվողականության միջոցառումների շրջանակը:

➤ **Առաջարկություններ**

- Անհրաժեշտ է ապահովել 2021 թ. մայիսի 13-ի N 749 -Լ որոշմամբ սահմանված ոլորտային միջոցառումների կատարումը, ինչը կապահովի ոլորտներում կլիմայի փոփոխության հարմարվողականության համապարփակ և ընդլայնված գործողությունների իրականացում:

**4. «Ջրային ռեսուրսների ոլորտում կլիմայի փոփոխության հարմարվողականության ծրագիրը և 2022-2026 թթ. միջոցառումների ցանկը հաստատելու մասին» ՀՀ կառավարության 2022 թ. նոյեմբերի 3-ի N 1692 - Լ որոշում<sup>42</sup> (ՀԳՀՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

- Որոշման մեջ հստակ սահմանված չեն ոլորտում լիազորություններ ունեցող պետական գերատեսչությունների միջև ոլորտային քաղաքականություններում փոխհարաբերությունների կարգավորումները, բացառությամբ Ջրային կոմիտեի հետ տեղեկատվության փոխանակման դրույթի:
- Որոշումը չի անդրադառնում ՀՀ կառավարության 2019 թվականի մայիսի 16-ի N 650-Լ որոշման «Կառավարության 2019-2023 թվականների գործունեության ծրագրի կատարումն ապահովող միջոցառումների» հավելված 1-ում ամրագրված «Ջրային ռեսուրսների հիդրոլոգիական և քիմիական կանխատեսումների մշակում՝ ելնելով կլիմայի փոփոխությունից: Բազիսային, լավատեսական և վատատեսական սցենարների կազմում» միջոցառման կատարմանը:
- Կլիմայի փոփոխության հարմարվողականության ծրագրի նպատակի կարևոր սկզբունքի՝ սոցիալ-տնտեսական բացասական հետևանքների նվազեցմանն ուղղված կոնկրետ միջոցառումները բացակայում են:
- Քաղաքացիական հասարակական կազմակերպությունների մասնակցությունը սահմանափակված է միայն ԿՓ տեղական ազդեցությունների դիտորդմամբ: Բացակայում է ջրային ոլորտի հարմարվողականության միջոցառումների իրականացման արդյունավետության գնահատման ցուցանիշներում քաղհասարակության և համայնքների կարծիքի բաղադրիչը:
- 26 միջոցառումների կատարման ժամկետներն անիրատեսական են, քանի որ ծրագիրը հաստատվել է 2022 թ. նոյեմբերին, և 3 տարում այդ միջոցառումների կատարման հավանականությունը ցածր է՝ հաշվի առնելով նաև ռիսկերը: Համայնք

➤ **Առաջարկություններ**

<sup>42</sup> [https://www.e-gov.am/u\\_files/file/decrees/kar/GV1E-287B-6173-DAB9/1692.1.pdf](https://www.e-gov.am/u_files/file/decrees/kar/GV1E-287B-6173-DAB9/1692.1.pdf)

- Որոշման մեջ սահմանել ոլորտում լիազորություններ ունեցող պետական գերատեսչությունների միջև ոլորտային քաղաքականություններում փոխհարաբերությունների կարգավորումները:
- Որոշման մեջ ներառել ՀՀ կառավարության 2019 թվականի մայիսի 16-ի N 650-Լ որոշման «Ջրային ռեսուրսների հիդրոլոգիական և քիմիական կանխատեսումների մշակում՝ ելնելով կլիմայի փոփոխությունից: Բազիսային, լավատեսական և վատատեսական սցենարների կազմում» միջոցառումը:
- Մշակել հարմարվողականության ծրագրի՝ սոցիալ-տնտեսական բացասական հետևանքների նվազեցմանն ուղղված կոնկրետ միջոցառումներ:
- Ջրային ոլորտի հարմարվողականության միջոցառումների իրականացման արդյունավետության գնահատման ցուցանիշներում ներառել ՔՀԿ կարծիքների բաղադրիչը:
- Սահմանել ծրագրի իրականացման միջոցառումների իրատեսական ժամկետներ՝ հաշվի առնելով ֆինանսական հնարավորությունները:

**5. «Հայաստանի Հանրապետության կառավարության 2019 թվականի դեկտեմբերի 19-ի N 1886-Լ որոշման մեջ լրացումներ կատարելու մասին» 2023 թվականի հուլիսի 20-ի N 1222-Լ որոշում<sup>43</sup> <sup>44</sup> (ՀՀ գյուղատնտեսության ոլորտի տնտեսական զարգացումն ապահովող հիմնական ուղղությունների 2020-2030 թվականների ռազմավարության կատարմանն ուղղված 2023-2026 թվականների միջոցառումների ծրագիրը) (ՀԳՀՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

- Որոշմամբ ԿՓ հարմարվողականությանը և դիմակայությանն ուղղված միջոցառումները բավարար չեն գյուղատնտեսության ոլորտում ծագող մարտահրավերներին դիմակայելու համար:
- Ռազմավարությունը չի ներառում ոլորտում կլիմայական հետազոտությունների դրույթ, ինչը ՀԳՀՀ-ի հոդված 52-ի (e) կետի պահանջ է:
- Ռազմավարությունը չի ամրագրում տեղական մակարդակներում՝ համայնքների, ֆերմերային տնտեսությունների կողմից ԿՓ հարմարվողականությանը միտված միջոցառումների և ծրագրերի ներկայացման պարագայում դրանց իրագործման համար լիազոր մարմնի օժանդակության, խորհրդատվության ցուցաբերման վերաբերյալ դրույթ:

➤ **Առաջարկություններ**

- Ռազմավարության մեջ ավելացնել ՀՀ-ում գյուղատնտեսության ոլորտի կլիմայական հետազոտությունների ինստիտուտի հիմնադրման մասին դրույթ:
- Ռազմավարության մեջ ամրագրել ջրային ռեսուրսների կառավարման պետական մարմինների հետ տեղեկատվության փոխանակման և ջրային ռեսուրսների օգտագործման վերաբերյալ դրույթներ:
- Ռազմավարության մեջ ամրագրել կլիմայական ծրագրեր իրականացնող համայնքներին, ֆերմերային տնտեսություններին պետական կառավարման մարմնի կողմից օժանդակություն, խորհրդատվություն ցուցաբերելու վերաբերյալ դրույթներ:

<sup>43</sup> <https://www.arlis.am/DocumentView.aspx?docid=180654>

<sup>44</sup> <https://www.arlis.am/DocumentView.aspx?docid=137852>

**6. «Հայաստանի Հանրապետության առողջապահության համակարգի 2023-2026 թվականների զարգացման ռազմավարությունը և դրանից բխող միջոցառումների ցանկը հաստատելու մասին» 2023 թվականի փետրվարի 9-ի N 174-Լ որոշում<sup>45</sup> (ՀԳԸՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

**Ռազմավարության մեջ նախատեսված չեն՝**

- Կլիմայի ազդեցության նկատմամբ հարմարվողականության միջոցառումների ծրագրերի մշակման բաղադրիչով միջոցառում:
- Կլիմայի փոփոխության հետ կապված առանձին խոցելի հիվանդությունների գնահատման միջոցառումներ:
- Վտանգավոր հիդրոդերևութաբանական երևույթների դեպքում /գերբարձր կամ գերցածր ջերմաստիճանների դեպքում/ զգայուն հիվանդություններ ունեցող խմբերի պաշտպանությանն ուղղված միջոցառումներ:
- Կլիմայի նկատմամբ առաջնահերթ զգայուն հիվանդությունների վերահսկման և կանխարգելման համակարգերի հզորացման միջոցառում:
- Վտանգավոր հիդրոդերևութաբանական երևույթների ժամանակ կլիմայական զգայուն հիվանդների և բնակչության վարքագծի ուղեցույցների կամ ձեռնարկների մշակման դրույթներ:

➤ **Առաջարկություններ**

**Ռազմավարության մեջ նախատեսել՝**

- Կլիմայի ազդեցության նկատմամբ հարմարվողականության միջոցառումների ծրագրերի մշակման միջոցառումներ:
- Կլիմայի փոփոխության հետ կապված առանձին խոցելի հիվանդությունների գնահատման միջոցառման վերաբերյալ դրույթ:  
վտանգավոր հիդրոդերևութաբանական երևույթների դեպքում /գերբարձր կամ գերցածր ջերմաստիճաններ/ զգայուն հիվանդություններ ունեցող խմբերի պաշտպանությանն ուղղված միջոցառումներ:
- Վտանգավոր հիդրոդերևութաբանական երևույթների ժամանակ կլիմայական զգայուն հիվանդների և բնակչության վարքագծի ուղեցույցների կամ ձեռնարկների մշակման միջոցառում:
- Կլիմայի նկատմամբ առաջնահերթ զգայուն հիվանդությունների վերահսկման և կանխարգելման համակարգերի հզորացման միջոցառում:

**7. «Միավորված Ազգերի Կազմակերպության «Կլիմայի փոփոխության մասին» շրջանակային կոնվենցիայի և Փարիզյան համաձայնագրի պահանջների ու դրույթների կատարման միջգերատեսչական համակարգման խորհուրդ ստեղծելու, դրա կազմը և աշխատակարգը հաստատելու և Հայաստանի Հանրապետության վարչապետի 2012 թվականի հոկտեմբերի 2-ի N 955-Ս որոշումն ուժը կորցրած ճանաչելու մասին» ՀՀ վարչապետի 2021թ. հուլիսի 6-ի 719-Ս որոշում<sup>46</sup> (ՀԳԸՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

<sup>45</sup> <https://www.arlis.am/documentview.aspx?docid=174219>

<sup>46</sup> <https://www.arlis.am/DocumentView.aspx?docid=154215>

➤ **Առկա բաց**

- Որոշմամբ նախատեսվող միջգերատեսչական մշտական կամ ժամանակավոր աշխատանքային խմբերում ընդգրկված չեն հասարակական կազմակերպություններ ներգրավելու դրույթներ:

➤ **Առաջարկություն**

- Որոշմամբ նախատեսել միջգերատեսչական մշտական կամ ժամանակավոր աշխատանքային խմբերում հասարակական կազմակերպությունների ներգրավում:

**8. Շրջակա միջավայրի վրա ազդեցության գնահատման և փորձաքննության մասին մասին» ՀՀ օրենքում փոփոխություններ կատարելու մասին» ՀՕ-150-Ն օրենք<sup>47</sup> (ՀԳԸՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

- Կարգավորված չէ նախատեսվող գործունեության ազդակիր համայնքի որոշման հարցը: Մույն օրենքից հանված է լիազոր մարմնի կողմից ազդակիր համայնք որոշելու դրույթը, ինչն ամրագրված է եղել նախկինում: Ազդակիր համայնքի որոշելը նախաձեռնողի հայեցողությանը թողնելը պարունակում է մի շարք բնապահպանական ռիսկեր, հակասում է օրենքի նպատակներին (շրջակա միջավայրի բաղադրիչների վրա գործունեության ազդեցության գնահատում օդ, ջուր, հող, կենսաբազմազանություն կլիմա):
- Հստակ սահմանված չէ ՇՄԱԳ փորձաքննական եզրակացության փաստաթղթի իրավական կարգավիճակը և այն չունի պարտադիր կատարման ենթակա վարչական ակտի կարգավիճակ:
- Հոդված 11-ի 5-րդ կետի՝ համայնքապետի կողմից պարտադիր խորհրդատվության տրամադրման պահանջն անուղղակիորեն ղեկավարին ի պաշտոնե դարձնում է տվյալ նախաձեռնությանն աջակցող կողմ, ինչը կարող է խոչընդոտել համայնքի անդամների ազատ կարծիքի արտահայտմանը և համայնքի օրինական շահերի պաշտպանությանը:
- 20-րդ հոդվածի փորձաքննական դրական եզրակացությունն ուժը կորցրած ճանաչվելու՝ «ի հայտ են եկել էկոլոգիական նոր գործոններ» դեպքի կիրարկումն անհնարին է, քանի որ օրենքում բացակայում է «էկոլոգիական նոր գործոն» հասկացությունը, ինչպես նաև բացակայում է այդ գործոնի գնահատման մեթոդաբանության մշակման պահանջը:
- 16-րդ հոդվածի 3-րդ մասում նշված փորձաքննության ենթակա գործունեության վերաբերյալ ավագանու նախնական՝ հիմնավորված համաձայնություն կամ անհամաձայնություն տրամադրելու դրույթը խնդրահարույց է, քանի որ առաջին հանրային լսումների ընթացքում համայնքին տրամադրվում է մակերեսային տեղեկատվություն նախատեսվող գործունեության մասին: Այդ փուլում հնարավոր ռիսկերի և դրանց մեղմմանն ուղղված միջոցառումները չեն ներկայացվում շահագրգիռ կողմերին: Համայնքի ավագանու այդ որոշումը կազդի համայնքի բնակիչների ազատ կամքի արտահայտվելու իրավունքի վրա

<sup>47</sup> <https://www.arlis.am/documentview.aspx?docid=178443>



հետագա ՇՄԱԳ գործընթացի հանրային քննարկումների ժամանակ, երբ արդեն կներկայացվեն ռիսկերը, միջոցառումները և այլն:

- Հստակեցված չէ համայնքի դիրքորոշումը հաշվի առնելու կարգը:
- Հակասություն կա 17-րդ հոդվածի 1-ին կետի, 16-րդ հոդվածի 3-րդ և 7-րդ կետերի միջև. մի կետում նշվում է, որ պետք է լինի ավագանու որոշում, մյուսում նշվում է, որ կարող է առանց որոշման ներկայացվել փորձաքննության փաթեթը, իսկ երրորդ կետով պահանջվում է լրակազմ փաթեթի առկայություն:

➤ **Առաջարկություններ**

- Օրենքով կարգավորել նախատեսվող գործունեության ազդեցության ազդակիր համայնքի որոշման հարցը:
- Օրենքով ՇՄԱԳ փորձաքննական եզրակացության փաստաթղթին տալ պարտադիր կատարման ենթակա վարչական ակտի կարգավիճակ:
- Հոդված 11-ի 5-րդ կետից հանել համայնքապետի կողմից նախաձեռնողին պարտադիր խորհրդատվության տրամադրման պահանջը, նախատեսել միայն համայնքապետի կողմից նախաձեռնողին տեղեկատվություն տրամադրելու դրույթ:
- Մահմանել «Էկոլոգիական նոր գործոն» եզրույթը՝ ապահովելու 20-րդ հոդվածի փորձաքննական դրական եզրակացությունն ուժը կորցրած ճանաչվելու՝ «ի հայտ են եկել էկոլոգիական նոր գործոններ» դեպքի կիրարկումը: Լիազոր պետական մարմինն պատվիրակել էկոլոգիական նոր գործոնի որոշման մեթոդաբանության մշակումը:
- Նախատեսել ազդակիր համայնքի դիրքորոշումը հաշվի առնելու կարգի մշակում:
- Օրենքում ամրագրել դրույթ փորձաքննությանը ներկայացվող փաստաթղթերի փաթեթում համայնքի դիրքորոշման մասին փաստաթղթի պարտադիր լինելու մասին:

**9. «Պետական փորձաքննական դրական եզրակացություն ստացած հիմնադրության փաստաթղթերում չներառված՝ բնության հատուկ պահպանվող տարածքներում կամ անտառային հողերում կամ բնակավայրերի կանաչ գոտիներում կամ պատմամշակութային հուշարձանների սահմաններում կամ բնապահպանական հողերում գնահատման և փորձաքննության ենթակա գործունեության տեսակները հաստատելու մասին» ՀՀ կառավարության 2024 թվականի մայիսի 2N 638 – Ն որոշում<sup>48</sup> (ՀԳԸՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

- Որոշումը հակասում է ՀՀ անտառային օրենսգրքի պահանջին: ՀՀ անտառային օրենսգրքի 46-րդ հոդվածով արգելվում է անտառային հողերի նպատակային օգտագործման փոփոխություն:
- Որոշումը հակասում է «Բնության հատուկ պահպանվող տարածքների մասին» ՀՀ օրենքի պահանջներին: Օրենքի 16, 17 և 18-րդ հոդվածներով արգելոցում, ազգային պարկում և արգելավայրում արգելվում է բուսական և կենդանական

<sup>48</sup> <https://e-gov.am/gov-decrees/item/42558/>

աշխարհի ներկայացուցիչների բնակության միջավայրի պայմանների խախտումը:

- Որոշումը հակասում է Կլիմայի փոփոխության ՄԱԿ-ի շրջանակային կոնվենցիայի Փարիզյան համաձայնագրի շրջանակներում Հայաստանի ստանձնած անտառածածկի ավելացման պարտավորության կատարմանը:
- Որոշումը հակասում է ՀՀ ՀՀ կառավարության 2015թ. սեպտեմբերի 10-ի N 41 արձանագրային ՀՀ կառավարության 2021թ. ապրիլի 22-ի N 610 – Լ, ՀՀ կառավարության 2023 թ.դեկտեմբերի 28-ի N 2318-Լ որոշումներին:

➤ **Առաջարկություններ**

- Ուժը կորցրած ճանաչել ՀՀ կառավարության 2024 թվականի մայիսի 2N 638 – Ն որոշումը:

**10. «Ռեզումեարական էկոլոգիական գնահատման և շրջակա միջավայրի վրա ազդեցության գնահատման ուղեցույցները հաստատելու մասին» նախարարի հրամանի նախագիծ<sup>49</sup> (ՀԳՐՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

- Նախատեսվող գործունեության բնութագրման նպատակով առաջարկվող հարցերից աղյուսակ N1-ում ներառված 16-րդ՝ «Արդյո՞ք նախատեսվող գործունեությունն իրականացվելու է ազդակիր համայնքի բնակիչների համար տեսանելի վայրում» հարցն ազդակիր բնակիչների վրա գործունեության հնարավոր ազդեցության գնահատման ցուցիչ չէ:

- Ա կատեգորիայի գործունեության համար նախաձեռնողից պահանջվող. «շրջակա միջավայրի և դրա բաղադրիչների վրա կլիմայի փաստացի և կանխատեսվող փոփոխությունը՝ փոփոխությանը հարմարվելու կարողություն և տեխնոլոգիական լուծումների ամբողջություն՝ ուղղված ջերմոցային գազերի արտանետումների կրճատմանը և ջերմոցային գազեր կլանող կարողությունների ստեղծման» մշակման պահանջի բավարարման համար բացակայում է պարզ և հանրամատչելի ընթացակարգ: Առաջարկվող ուղեցույցի գործառնական կիրառելիությունը հնարավոր չէ ապահովել, քանի որ դրա գնահատման համար պահանջվում է նեղ-մասնագիտական բարձր կարողություններ:

- Ազդակիր համայնքից նախատեսվող գործունեության վերաբերյալ նախնական համաձայնություն ստանալու ընթացակարգը հստակեցված չէ, ինչը կարող է շահարկման պատճառ հանդիսանալ:

- Ուղեցույցի 42-րդ կետի Աղյուսակ N15-ի 3-րդ կետում նշվում է, որ հանրային մասնակցության և խորհրդակցությունների արդյունքները նախատեսվող գործունեության նախագծային փաստաթղթի նախագծում հաշվի են առնվում, մինչդեռ նրանք պետք է ունենան որոշիչ դեր:

<sup>49</sup> <https://www.e-draft.am/index.php/projects/7464/about>

➤ **Առաջարկություններ**

- Մշակել պարզ և հանրամատչելի ընթացակարգ Ա կատեգորիայի գործունեության համար նախաձեռնողից պահանջվող «շրջակա միջավայրի և դրա բաղադրիչների վրա կլիմայի փաստացի և կանխատեսվող փոփոխությունը՝ փոփոխությանը հարմարվելու կարողություն և տեխնոլոգիական լուծումների ամբողջություն՝ ուղղված ջերմոցային գազերի արտանետումների կրճատմանը և ջերմոցային գազեր կլանող կարողությունների ստեղծման» մշակման պահանջի բավարարման համար:
- Հստակեցնել ազդակիր համայնքից նախատեսվող գործունեության վերաբերյալ նախնական համաձայնություն ստանալու ընթացակարգը:
- Ուղղեցույցի աղյուսակ N15-ի 3-րդ կետում ամրագրել հանրային մասնակցության և խորհրդակցությունների արդյունքների որոշիչ դերը նախատեսվող գործունեության նախագծային փաստաթղթի նախագծում:

**11. ՀՀ Ջրային օրենսգրքում 07.07.22 ՀՕ-316-Ն: կատարված փոփոխություններ<sup>50</sup> (ՀԳՀՀ 52 հոդված, կետ (b), 54 հոդված, կետեր (c) և (d), ՃՔ 130 միջոցառում)**

➤ **Առկա բացեր**

- Կատարված փոփոխությունները կրում են զուտ ֆորմալ բնույթ, քանի որ կլիմայական հասկացությունների ներմուծումը մայր օրենք չի ապահովում գործնականում դրանց կիրառելիությունը: Ջրային ոլորտում կլիմայական ազդեցությունների և դրանց բացասական ազդեցությունների մեղմման, ջրօգտագործման հայտերի գնահատման մեխանիզմները բացակայում են: Ջրային ոլորտի կառավարման և պահպանության պետական մարմնի լիազորությունները սահմանող 10-րդ հոդվածում չեն ամրագրվել՝ 1. կլիմայի փոփոխությամբ կամ անտրոպոգեն ազդեցությամբ պայմանավորված ջրային պաշարի նվազման չափորոշիչներ սահմանելու լիազորություններ, 2. կլիմայի ներկա և կանխատեսվող փոփոխությունների հետևանքով նախատեսվող ջրօգտագործման հետևանքով ջրային ռեսուրսների խոցելիությունը գնահատող չափորոշիչներ սահմանելու լիազորություններ:

➤ **Առաջարկություններ**

- Օրենսգրքի հոդված 10-ում ջրային ռեսուրսների կառավարման և պահպանման մարմնի համար ամրագրել «կլիմայի փոփոխությամբ կամ անտրոպոգեն ազդեցությամբ պայմանավորված ջրային պաշարի նվազման», «կլիմայի ներկա և կանխատեսվող փոփոխությունների հետևանքով նախատեսվող ջրօգտագործման հետևանքով ջրային ռեսուրսների խոցելիության» գնահատման չափորոշիչներ սահմանելու իրավասություն:

<sup>50</sup> <https://www.arlis.am/DocumentView.aspx?docid=166206>

12. «Մթնոլորտային օդի պահպանության մասին» օրենքում փոփոխություն կատարելու մասին» ՀՀ օրենք (07.12.2022թ.)<sup>51</sup> (ՀԳԸՀ 52 հոդված, կետ (b), 54 հոդված, կետ (a), (c) և (d), ՃՔ 120, 130 միջոցառումներ)

➤ **Առկա բացերը**

- «Մթնոլորտային օդի պահպանության մասին» ՀՀ օրենքի հասկացություններում բացակայում է «ջերմոցային գազերի արտանետումների թույլտվություն» եզրույթը:

➤ **Առաջարկություն**

- «Մթնոլորտային օդի պահպանության մասին» ՀՀ օրենքի հասկացություններում ամրագրել «ջերմոցային գազերի արտանետումների թույլտվություն» եզրույթը: Այդ եզրույթի ամրագրումը կստեղծի նախադրյալներ «Կլիմայական քաղաքականության մասին» ՀՀ օրենքի մշակման գործընթացում ներառելու համար:

13. «Հայաստանի Հանրապետության ջերմոցային գազերի ցածր արտանետումներով զարգացման երկարաժամկետ ռազմավարությունը (մինչև 2050 թվական)

հաստատելու մասին» ՀՀ կառավարության 2023թ. դեկտեմբերի 28-ի 2318-Լ որոշում<sup>52</sup> (ՀԳԸՀ 54 հոդված, կետ (a), ՃՔ 120 միջոցառումներ)

➤ **Առկա բացեր**

- Արդյունաբերական ոլորտում ջերմոցային գազերի կրճատմանն ուղղված միջոցառումները սահմանափակվել են միայն ցեմենտի, կրի և ապակու արտադրությունից առաջացող ջերմոցային գազերով: Արդյունաբերական ոլորտում չի դիտարկվել հանքարդյունաբերության ոլորտը հողի «օրգանական» ածխածնի կուտակման կարողության վատթարացման և ջերմոցային գազերի արտանետման տեսանկյունից: Չեն դիտարկվել նաև ստորերկրյա հանքային ջրերի հանքավայրերի շահագործման տեխնոլոգիաներում պահանջվող CO<sub>2</sub>-ի պարտադիր արտանետումները:
- Հստակեցված չեն ՋԳ-ՑԱԶԵՌ միջոցառումների իրականացման համար պահանջվող ֆինանսական միջոցները:

➤ **Առաջարկություն**

- Ռազմավարության մեջ «արդյունաբերական» ոլորտում դիտարկել հանքարդյունաբերությունը հողի «օրգանական» ածխածնի կուտակման կարողության վատթարացման և ջերմոցային գազերի արտանետման տեսանկյունից:
- Ռազմավարության մեջ դիտարկել ստորերկրյա հանքային ջրերի հանքավայրերի շահագործման տեխնոլոգիաներում պահանջվող CO<sub>2</sub>-ի պարտադիր արտանետումները:
- Ռազմավարության մեջ հստակեցնել ՋԳ-ՑԱԶԵՌ միջոցառումների իրականացման համար պահանջվող ֆինանսական միջոցները:

<sup>51</sup> <https://www.arlis.am/DocumentView.aspx?docid=172207>

<sup>52</sup> <https://www.e-gov.am/gov-decrees/item/41925/>

#### 14. «Օգոնային շերտի պահպանության մասին» օրենքում լրացումներ և փոփոխություններ կատարելու մասին» ՀՀ օրենք<sup>53</sup> (ՀԳԸՀ 54 հոդված, կետ (j), ՃՔ 124 միջոցառումներ)

##### ➤ Առկա բացեր

- «Օգոնային շերտի պահպանության մասին» օրենքում նախատեսված չէ դրույթ ՀՀ բնապահպանության և ընդերքի տեսչական մարմնի կանոնադրության մեջ լրացում կատարելու վերաբերյալ՝ ապահովելու զսպման մեխանիզմների կիրարկումը:

##### ➤ Առաջարկություն

- «Օգոնային շերտի պահպանության մասին» օրենքում նախատեսել դրույթ ՀՀ բնապահպանության և ընդերքի տեսչական մարմնի կանոնադրության մեջ լրացում կատարելու վերաբերյալ՝ ապահովելու զսպման մեխանիզմների կիրարկումը:

#### Կլիմայական քաղաքականության իրականացումը համայնքներում

«Էկոլուր» տեղեկատվական ՀԿ-ն ուսումնասիրություններ է իրականացրել Արագածոտնի, Լոռու, Վայոց ձորի, Տավուշի մարզերի Թալին, Փամբակ, Եղեգիս և Դիլիջան համայնքներում՝ «Ազդակիր համայնքները և քաղաքացիական հասարակական կազմակերպությունները՝ Հայաստանի էներգետիկայի և կլիմայի փոփոխության քաղաքականություններում սոցիալ-էկոլոգիական մշակույթի ներդրման մասնակից» ծրագրի շրջանակներում՝ ՄԱԶԾ ԳԷՀ Փոքր դրամաշնորհների ծրագրի, «ԵՄ կլիմայի համար» տարածաշրջանային ծրագրի աջակցությամբ: Իսկ Գեղարքունիքի մարզի Գեղամասար և Վերին Գետաշեն համայնքներում՝ «Սոցիալ-էկոլոգիական պատասխանատվություն» ծրագրի շրջանակներում՝ «Տվյալներ հաշվետու և թափանցիկ գործունեության համար» (ԴԱՏԱ) ծրագրի՝ ԱՄՆ ՄԶԳ աջակցությամբ, «Հանուն Հարավային Կովկասում էներգետիկ պարադիգմի փոփոխությունների, 2-րդ փուլ» տարածաշրջանային ծրագրի շրջանակներում, Brot für die Welt Protestant Development Service-ի աջակցությամբ: Ուսումնասիրությունների նպատակն է եղել պարզել, թե որքանով են համայնքները կախված կլիմայի փոփոխությունից և ինչքանով են մասնակցում ՀՀ կլիմայական քաղաքականության իրականացմանը: Ուսումնասիրվել են ՀՀ կառավարության, ՀՀ տարածքային կառավարման և ենթակառուցվածքների նախարարության, ՀՀ շրջակա միջավայրի նախարարության, մարզպետարանների, խոշորացված համայնքների պաշտոնական կայքերը, ազգային և միջազգային համապատասխան իրավական ակտերը, փաստաթղթերը, անցկացվել են հարցազրույցներ, քննարկումներ, ինչպես նաև հարցումներ ոլորտային մասնագետների, ֆոկլուս խմբերի և ՏԻՄ-երի հետ:

#### Համայնքներում բացահայտված խնդիրները .

- Համայնքների սուբվենցիոն ծրագրերում չի գնահատվում կլիմայական ազդեցության քաղաքիչը:

<sup>53</sup> <https://www.arlis.am/DocumentView.aspx?docid=187764>

- Սուբվենցիոն ծրագրերը չեն դիտարկվել, գնահատվել և պլանավորվել ջերմոցային գազերի արտանետումների կրճատման տեսանկյունից: Համայնքները չունեն կամովին ստանձնած նման պարտավորություններ:
- Համայնքներն ունեն մասնագետների պակաս՝ մշակելու կլիմայի փոփոխության մեղմմանն ու հարմարվողականությանը, ինչպես նաև էներգետիկ անցմանն ուղղված ծրագրեր:
- Համայնքների հնգամյա զարգացման ծրագրերում առկա չէ կլիմայական և կայուն էներգետիկ միջոցառումների պլան:
- Համայնքներն ունեն կլիմայական քաղաքականության մասին իրազեկվածության ցածր մակարդակ:

## Ամփոփում

ՀԳԸՀ-ի կիրարկման ճանապարհային քարտեզի միջոցառումների կատարման ուսումնասիրությունը ցույց տվեց, որ կլիմայական միջոցառումների կատարման ուղղությամբ ՀՀ և ԵՄ օրենսդրության մոտարկման համար ընդունվել են հիմնական իրավական ակտերը, ինչպես նաև ստեղծվել են ինստիտուցիոնալ կարողություններ:

ԵՄ իրավական ակտերին մոտարկվել է 6 ՀՀ օրենք, մշակվել է 1՝ «Կլիմայի քաղաքականության մասին» ՀՀ օրենքի հայեցակարգի և օրենքի նախագծի փաթեթը, 16 ենթաօրենսդրական ակտ (ՀՀ վարչապետի և ՀՀ կառավարության որոշումներ), զեկույցներ, ուղեցույցներ:

Չնայած կատարված ծավալուն աշխատանքներին՝ դեռ կարիք կա ամբողջացնել պահանջվող բոլոր իրավական ակտերի փաթեթը՝ սահմանելով իրատեսական ժամկետներ ստանձնած միջազգային պարտավորությունների կատարման համար, գործնական կիրառման համար մշակել ոլորտային մեթոդաբանություններ, ուժեղացնել համայնքների կարողությունները:

Համայնքային մակարդակում առկա է կլիմայական քաղաքականության իրականացման խնդիր: Համայնքներն իրենց հնգամյա զարգացման և սուբվենցիոն ծրագրերը չեն դիտարկել, գնահատել և պլանավորվել ջերմոցային գազերի արտանետումների կրճատման, կլիմայական դիմակայունության բարձրացման տեսանկյունից, ունեն կլիմայական քաղաքականության մասին իրազեկվածության ցածր մակարդակ:

Իրավական ակտերի փոփոխությունների առաջարկությունները կնպաստեն օրենսդրական հակասությունների վերացմանը, կլիմայական քաղաքականությունում համայնքների դերակատարման բարձրացմանը, կօգտագործվեն ՀԳԸՀ-ի ՃԲ-ի թարմացման գործընթացում: